



Vin Beer=  
predigt/Wider den  
Türcken.

Mart. Luth.

M. D. XXXXII.

10-15-50  
SIEGEN-ROCK  
MUNICH

# Ein Heerpredig / Wider den Türcken.

Martinus Luther.



**W**erolich in meinem Büch  
lin / vom Türckenkrieg / fast genügsam  
vnderucht gethan habe / mit welcherley  
Gewissen vñnd weise (wo sichs begeben)  
der Krieg wider den Türcken solt fürzü  
nemen sein. Doch hab ich bey meinen  
lieben Deütschen die gnade / das sy mir weder glaubē noch  
zuhören / biß das sie zu lange harren / vñnd der glaube in die  
hand kömmt / vñnd denn weder hülffe noch rath da ist.

Gleich wie dem Volck Israel auch geschach / da sie dye  
Propheten (als iij. Reg. xvij. stehet) so lange verachteten /  
das zu letzt auch kein rath noch hülffe mer da war. Ebē so  
ists vns jetzt auch gangen. Niemand wolt glaubenn / was  
ich vom Türcken schrib / biß das wirs nu mit so großem  
samer erfahren / vñnd so vil tausent Menschen in so wenig  
tagen / erwürget vñ weg gefüret gesehen haben.

Das wolten wir haben. Vñnd hette nicht Gott wunder  
barlich vñnd so vnuersehē vns geholfen / So soltē wir erst  
ein rechtē samer in Deütschen Landen erfahren haben.

Vñnd kenne ich recht meine lieben Deütschen / die vollē  
Gewissē / so sollen sie wol / irer weise nach / sich widerum nider  
setzē / vñ mit güte müt in aller sicherheit / zechen vñnd wol les  
ben / Vñnd solcher grossen gnade erzeigt / gar nicht brauchē  
sondern mit aller vñdanckbarkeit vergessen vñnd dencken

Da/der Türck ist nu weg/vnd geflohen/Was wollen wir vil sorgen vñ vnünige Kost drauf wenden? Er kompt vil leicht nimmermer wider. Auff das wir ja vnser woluerdiēte straffe von Gott redlich empfahe.

Wolan/ich kan doch nicht mehr thū/Da ich anzeigt/Wan solte des Türcken gewalt nicht verachten / Ey das war ein spöttische vnd nichtige rede/Da waren vil Fürstē mechtiger denn er/ Ich solte die Deütschen Fürstenn nicht also schrecken noch verzagt machen. Laß nu die selbigenn Geifferer herfür treten/vnd die Fürsten trösten/vnd des Türcken made verachten. Ich meine /da der Türck habe sie zu Lugnern/vnd mein wort war gemacht.

Aber doch vmb der Gottlosen vñnd Christus Lestere willen/nichts anfangen/Also auch vmb irer willē nichts gelassen. Es haben Künig vnd Fürsten/Bischoffe vñnd Pfaffen/bis her das Euangelium verjagt vnd verfolgt vil blüts vergossen/vnd den Dienern Christi alle plag vñ vnglück angelegt/vñ ist die Lestertüg vñ Schmach/auch wider die öffentliche erkandte warheit/so vber die massen schendlich groß gewest/vnd das Volck/so vberaus böse vñ müerwillig/Das ich hab Weissagen müssen/Deütsch Lād müsse in kurtz Gott eine torheit bezahlen/Dasselbige gehet jetzt daher/vnd sehet an/Got helffe vns/vnd sey vns gnedig/ Amen.

Denn weil sie wider Christum/so trefflich zornig vñnd böse sind/das sie sein Wort vnd Diener vber bösen/vnd er müß leide vnd schwach gegen sie sein/ So thut er warlich recht/nach dem Sprichwort (Es ward nie keiner so böse es kam noch ein böser vber in) vnd zucht ab/last sich vber bösen. Schicket aber an solchet öse zornige Juncfern/nach einen bösern/den Türcken/Will zu sehenn/weyl sie ja böse sein wollenn/wel her die den andern vberbösern werde/ Sey

**Sey nu böse/wer böse sein kan/legt giles bösen/vnd vber bösen.**

Solchs will ich gesagt haben/wider die vnbüßfertigen/stärrige Seynde vñ Verfolger des worts Christi. Aber weil dennoch vil inn Deütschen Landen sind/die das wort lieben/vnnd Christus on zweyfel nicht ein geringe zal Glider darinnen hatt/ Vmb der selbigen willenn soll dise Heerpredigt außgehen/sie zü trösten vnd zü uermanen/in disem grewlichen ferlichen leüffen. Den der Teüffel sucht durch sein zeüg/den Türcken/ freylich nicht allein die weltliche Herrschafft/Sondern auch das Keych Christi/ vnd seyne Heyligen vnd Glider/vom Glauben zü stossen/wie Daniel sagt/am vñ. Capit. Darumb will ich dise predigt in zwey stuck teylen/Zü erst/die gewissen vnderrichten. Darnach auch die Faust vermanen.

Das Gewissen zü vnderrichten/dienet wol zür sachen/ das man gewiß sey/was der Türcke sey/ vnd wo für er zü halten sey/nach der schrift. Denn die Schrift weyssaget vns von zweyen grausamen Tyrannen/wölche sollen vor dem Jüngstertage die Christenheyt verwüsten vñ zerstören. Einer Geystlich/mit Listen oder falschem Gottesdienste vnd leere/wider den rechten Christlichen Glauben vnd Euangelium/Da von Daniel schreybt am vñ. Cap. das er sich soll erheben vber alle Götter/vnnd vber alle Gottesdienst etc. Wölche auch S. Pauls nennet den Antechrist/ ij. Tess. ij. Das ist der Papst mit seinem Papstum/ da von wir sunst gnüg geschriben.

Der ander/mit dem schwerdt/leiblich vñ eüßerlich außgrewlichst. Darnon Daniel am vñ. Cap. gewaltigklich ge weyssaget. Vnd Christus Matth. am xvñ. Cap. von einẽ trübsal/ des gleychen auff erden nicht gewest sei/ das ist der Türcke. Also müß der Teüffel/weyl der Welt ende vorhan

den ist / die Christenheit zū vor / mit beider seiner macht /  
auff das aller gewaltichst angreifen / vñ vns die rechten  
Lage geben / ehe wir gen Himel faren.

Wer nū ain Christ will sein / zū diser zeit / 8 fasse ain hertz  
in Christo / vñ dencke nur nicht hinsürt auff fride vñ  
güte tage / Die zeit solcher trübsal vñ weissagung ist da /  
Desselbigen gleichē vnser trost vñ trost / auff die zükunfft  
Christi / vñ vnser erlösung / ist auch nicht fern / sonder wirt  
flugs drauff folgen / wie wir hören werden.

Darū so halt feste / vñ sey sicher / Das der Türcke ge-  
wißlich sey / der letzte vñ ergeste zorn des Teuffels / wider  
Christum / darmit er den Saß den boden außstößet / vñ  
seinen grünen gang außschüttet / wider Christus Keych.  
Dazū auch die grösste straffe Gotes auff Erden / vber die  
vñ danckbaren vñ Gortlosen Verechter vñ verfolger Chris-  
ti vñ seines worts / vñ on zweyffel der vorlauff der Hölle  
vñ ewiger straffe / Den Daniel sagt / das nach dem Türckē  
flugs das gericht vñ die Hölle folgen sol. Vñ man sibets  
auch wol an der that / wie gewaltich er die Leut / Kind / Wey-  
ber / Jung vñ Alt erwürget / spisset / zurhacket / die im doch  
nichts gethan / vñ so handelt / als sey er der zornige Teuf-  
fel selbs leibhafftig. Denn nie kein Königreych also geto-  
bet hat / mit mörden vñ wieten / als er thut / Wolan / wir  
wollen das hie von dem Propheten Daniel hören.

Vier Kaiserthum hat Daniel beschrieben / die auff Er-  
den künien sollen / ehe der Welt ende keme / Wie wir lesen  
Danielis am sibenden Capitel.

Folget die Figur sampt  
dem Text.

be /  
ren  
tis  
nd  
va /  
ffe  
ire  
fer  
er  
id  
ch.  
die  
nie  
llē  
cēē  
cro  
ley  
ich  
ife  
cor  
die  
ce  
en



**I**ch Daniel (spricht ehr da selbs) sahe  
ein gesicht in der Nacht/ Vnd sihe/ die vier Winde  
vnder dem Himel/ stürmeten wider einander auff dē gro-  
ssen Meer/ Vnd vier grosse Thier stigen herauff auß dem  
Meer/ eins se anders den das ander.

Das erst wie ein Löwe/ vnd hat flügel wie ein Adler.

Das ander Thier hernach/ war gleich einem Beren/ vñ  
stünd auff der einen seiten/ vnd hatte in seinem Maul vn-  
der seinen Zeenen/ drey grosse lange Zeene zc.

Das dritte war gleich einem Parden/ das hette vier flü-  
gel/ wie ein Vogel/ auff seinem rugen/ vñ das selbige thier  
hette vier köpffe.

Das vierdte thier war gewölich vnd erschrecklich/ vñ  
seer starck/ vnd hatte grosse eyserne Zeen/ spraß vmb sich vñ  
zū malmet/ vnd das vbrige zutrats mit seinen füßen/ Lhs  
war auch vil anders/ den die vorigē/ vñ hatte zehē Hörner.

Da ich aber die hörner schawet/ sihe/ da brach herfür/ zwē-  
schen den selbigenn/ ein ander Klein horn/ vor wölchem/ der  
fördersten Hörner drey/ außgerissen wurden/ Vñ sihe/ das  
selbige Horn hatte augen wie Menschen augen/ vnd seyn  
maul das redet grosse ding.

Solchs sahe ich/ biß das Stüle gesetzt wurden / Vnd 8  
Alte setzt sich/ das Gericht ward gehalten/ vnd die Bücher  
wurden auffgethan. Ich sahe zū/ vmb der grosse rede wil-  
len/ so das Horn redet/ Ich sahe zū/ biß das Thier geröde  
ward/ vnd sein Leyb vmb kam/ vnd ins feur geworffenn  
ward/ Vnd der ander Thier gewalt auch auß war.

**D**as ist der Text Daniel/ außs künigst erzelt/ so vill vns  
hierz not ist. In die auflegung folget im selbigen Ca-  
pitel hernach/ da er spricht.



**I**ch gieng zu der eynem die da stund  
den/vnd bat in/das er mit vñ dem allem gewissen  
bericht gebe. Vnd er redet mit mir/vnd zaygt mir/was es  
bedeutet.

Dise vier grosse Thier/seind vier Keych / so auff erden  
kommen werden/ Aber die Heyligen des Höhesten werden  
das Keych einnehmen/vnd werdens immer vnd ewiglich  
besitzen.

Darnach hette ich gern gewunst gewissen bericht/von  
dem vierdten Thier/wölchs gar anderst war den die an-  
dern alle/seer greulich/dz eyserne Zähne vnd eberne Klaw-  
wen hatte/das vñb sich fraß vnd zümalmet/vñ das vñbri-  
ge mit seinen füßen zütrat/vñnd von den zehen Hörnern  
auff seinem Haupt.

Vnd von dem andern/das herfür brach/ vor wölchem  
drey absielen/vnd von dem selbigen Horn/das augen hat-  
te/vnd ein Wöl/das grosse ding redet/ vnd grösser war  
denn die neben im waren/ Vñnd ich sahe dasselbige Horn  
streycen wider die Heyligen/vnd bhielt den syge wider sie/  
biß der Alte kam/vñnd Gericht hielt für die Heyligen des  
Höhesten/vnd die zeyt kam/ daß die Heyligen das Keych  
einmarnen.

Vnd er sprach also/Das vierdte Thier/wirt das vierde  
Keych auff erden sein/ Wölchs wirt mächtiger sein/ denn  
alle Keych/vnd wirt alle Land fressen/zertretten vñ züro-  
malmen. Die zehen Hörner/bedeuten zehen Könige/  
so auß dem selbigen Keych entstehen werden.

Nach dem selbigen aber/ wirt ein anderer auffkommen/  
der wirt mächtiger sein denn der vorigen keiner/ vnd wirt  
drey König demütigen. Er wirdt den Höhesten lesteren/  
vnd die Heyligen des Höhesten verstören/vñnd wirdt sich  
vñntersehen/

vnderstehn / zeit vnd Gesetz zu endern. Sie werde aber in  
seine Hand geben werden / eine zeit / vnd aber etliche zeit /  
vnd ain halbe zeit. Darnach wirt das Gericht gehalten  
werden / da wirt den sein gewalt weggenommen werden /  
das er zu grund verurteilt vnd vmbbracht werde. Aber das  
Keych / gewalt vnd macht / vnder dem gangen Himmel /  
wird dem Hailigē volck des Höchste gegeben werden / Des  
Keych ewig ist / vnd aller gewalt wirt im dienen vnd ge-  
(hören.

**D**iese weissagung Danielis / ist eintrechtlich von allē  
Lecern außgelegt / von den vier folgenden Kayser-  
thumen. Das erst / Das Kayserthum zu Assirien / vnd Ba-  
bylonien. Das ander / das Kayserthum der Persen vñ Me-  
den. Das dritte / das Kayserthum des grossen Alexanders  
vnd der Kriechen. Das vierte / das Römisch Kayserthum  
wölches das größest / gewaltigst vnd grausamest / dar zu  
auch das letzte ist auff Erde / wie hie Daniel clerlich zeygt /  
Das nach dem vierdten Thiere oder Kayserthumb / das  
Gericht folget / vnd kein ander Kayserthumb mehr / son-  
dern das Keych der Hailigen / das ewig ist ꝛc.

Weyl den nun das gewiß ist / vnd kein zweyffel hat / das  
auff Erde soll das Römisch Reich das letzte sein / wie auch  
im andern Capitel Daniel zeigt / in dē grossen Bilde oder  
Seulen / die ainem guldin kopff / silbern brust / ehrene hüfte  
vñ eiserne schenckel hat. So muß das darans folgen / das  
der Türcke ein Römischen Kayserthumb sein würde /  
vnd im vierdten Thiere muß begriffen sein / Den das ist  
beschlossen / weil das Römische Kaiserthum das letzte ist /  
So wirt vnd kan / der Türcke / nimmer mer so mechtig wer-  
den / als das Römisch Keych gewesen ist / Sonst wurde  
nicht vier / sonder fünff Kayserthum auff Erde komen /  
Darum muß der Türcke kein Kayser werden / noch ain  
new

neü oß aigen Keyserthumb auffrichten / wie ers wol im sijn  
hat / Aber es wirt vnd muß im gewißlich sein oder Daniel  
wurde zum Lugner / das ist nicht möglich.

Weyl aber zu dem der Türcke / dennoch so groß vñ mecht  
ig ist / vnd im Römischen Keych sitzen sol / müssen wir sie  
in dem selbigen suchen / vnd vnder den Hörnern des vierte  
Thiers finden / Den es muß ain solch gewaltig ding in der  
Schriffte verkündigt sein.

Wolan / Horn haisset ain Königreych in der Schriffe /  
wie die Daniel selbs sagt / das die zehē Hörner / zehen Kün  
nige sind / die zum vierten Kayserthumb gehöre / So kam  
nun der Türcke / Eaines der selbigen zehen sein / den die sel  
bigen Hörner seynd die Königreych so zum Römischen  
Kayserthumb gehört habenn / da ehs inn seiner vollen  
macht gestandenn ist / Als nemlich / Hispanienn / Franck  
reych / Italienn / Africa / Egyptus / Siria / Asia / Grecia  
Deutschland etc. Solche Land habenn die Römer alle  
gehabt in voller macht / ee den der Mahometh oß Türck  
ist kommen.

So spricht nun Daniel / Dz nach solchen zehen Hörner  
erst kampt das kleine Horn zwischen den zehen Hörnern  
Die kampt vund findet sich der Türcke / denn gleich wie  
das kleine Horn / vnder den zehenn auff wechset / vnd stöß  
set der selbigen drey weg / Also müste ja komen ain König  
reych / das in den obgenantē Lendern vnd Königreyche /  
des vierten Thiers oder Kayserthumbs wüchse / vnd der  
selbigen drey gewunne.

Solchs alles zeigt vund bezeugt auch das gang werck /  
vund stimmet mit dem Text / das der Mahometh dassel  
bige kleine Horn sein muß / Denn er ist von geringem an  
fang aufkome / Er ist aber also gewachsen / dz er drey Hör  
ner im Römischen Keyserthumb hat abgestossen vñ einge

nommen / nemlich Egyptum / Griechenland vnd Asiam.  
Den der Soltan vnd Saracener haben lange zeit diser  
Hörner oder Königreich zwey jnen gehabt / Egypten  
vnd Asiam / vnd sind also drinnen bliben sitzen / wie auch  
der Türcke drinnen sitzt auff den heutigen tag / vnd hat  
das dritte Horn / Griechenland / darzu gewonnen. Solchs  
hat sunst niemand gethan / vnd wir sehens da vor augen  
stehen / das geschehen ist / Das ist Mahometers Reich / da  
haben wir das kleine horn gewis.

Ob nun Wol der Türck den Soltan veriaget / vnd  
solche Lender eingenommen / vnd seinen Hoff oder Sitz an  
derstwo helt / denn der Soltan thet / ist es darumb kein an  
der oder new Reich / sonder ebenn das selbig Mahometers  
Reich / Denn baide / Soltan vnd Türck / desselben / vnd  
gleich aines glaubens sind / nemlich / des Mahometers. Das  
aber einer den andern veriaget / ist auch wol fast / in allen  
Kaiserthumben geschehen / das ain brüder den andern  
veriaget / ain Amptmann sein hertz vertriben hat.

Wie geschachs in Persen / da sy den Kaiserlichen Sitz  
vnd Hoff / auß Meden in Persen versetzten / bleib dennoch  
gleichwol das selbige Kaiserthumb. Vnd das Kaisertumb  
zu Assirien / von Ninue gen Babylon / vnd das Römisch  
von Rom gen Constantinopel versetzt ward. Also ist auch  
setzt des Mahometers Reich / von Alkayr ge Constantinopel  
versetzt / mit dem Hoffleger / Aber ist gleich wol das sel  
bige Reich des Mahometers blibē / Denn Person vnd Hoff  
leger mügē sich in ainem Reich wol endern / das dennoch  
das Reich für sich selbs bleibe / in seiner weise / regiment /  
glauben vnd allem wesen.

So wir nun dasselbige kleine Horn / den Mahome  
ren / vnd sein Reich hie gewislich haben / So künden wir  
nu leichtlich vn Elerlich auß Daniellerē / war für der Tür  
cke

de vnd das Mahometisch Keych zuhalten sey/ Vnd auch was er vor Gott gelte.

Erstlich/ soll er wol ein mechtiger Herr sein/ als der dem Römischen Keych/ drey Hörner/ das ist/ drey fast die besten Königreich/ als Egypten/ Greciam/ Asiam/ abgewinnen vnd behalten/ vnd damit mächtiger sein/ dan Keyser vnder den zehen Hörnern ist. Das ist der klare Text/ vnd findet sich also im werck/ Dann kein König/ so vnter den Römern gewest/ als Franckreich/ Hispanien/ Welschland/ Teütschland zc. so mächtig ist/ als das Türckisch oder Mahometisch Reich/ das der Türcke jetzt hat/ Vnd sitzt also fast mitten im Römischen Reich/ ja in des Römischen Kayfers Hauße zu Constantinopel/ wie das kleine Horn/ vnter den v. Hörnern im vierdten Thier bedeutet.

Zum andern/ Hat das Horn/ Menschen augen/ das ist des Mahomets Alkoran oder Gesetz/ damit er regiert. In welchem Gesez ist kein Götlich auge/ sondern eytel menschliche vernunft/ on Gottes wort vnd geyst. Dann sein Gesetz leret nichts anders/ denn was menschliche witze vñ vernunft wol leyden kan. Vñ was er im Euangelio funden hat/ das zu schwer vnd hoch zu glauben gewesen/ das hat er außgethan Sonderlich aber/ das Christus Got sey/ vnd vns erlöset hat mit seinem Tode zc. Das maynet Daniel da er des Horns auge deutet/ vnd spricht/ Er wird sich vnterstehn/ Gesetz vnd Ordnung zu endern/ vernim/ Gottes ordnung/ als das Euangelium vnd Christliche lere.

Zu dritten/ Hatz ein Maul/ das redet gewöliche ding/ Das sind die grausamen lesterungen/ damit der Mahomet Christum nit allein verleügnen/ sondern auch ganz auffhebt/ Vnd gibt für/ Er sey vber Christum/ vil höher vnd würdiger vor Gott/ denn alle Engel/ alle Heyligen/ alle Creaturen/ darzu vber Christum selbs/ Wie das in sei-

B ij nem

Item Alkoran Eerlich stehet / vnd die Türcken teglich rhämen / vnd je lenger je gewolicher solche lestrunge treiben vnd vben.

Darumb spricht hie Daniel von dem selbigē Horn / vnd deütet desselbigen grosses Maul. Er wirt wider den Höchsten reden / das ist / wider Christum leren / in leßtern vnd schendē / damit er in nit für den Höhesten / sondern für ainen schlechten / vnd vil geringern prophetē helt den sich selbs / vnd spricht / Christus lere hab ain ende / da Mahomet kommen sey.

Zum vierten / Das er wider die Heiligen des Höhesten Krieg fñret. Diß darff ja Eainer glosen / Ich meine wir habens bißher wol gesehen vnd gefñlet / Den der Türck keinem Volck so feind ist / auff Erden / als den Christen / Streitet auch wider niemāt mit solchē Blñtdurst / als wiß die Christen / auff das er die weyßsagung Danielis erfülle.

Daniel aber haßset die Christen / Hailigē des Höhesten / Denn ob wol vil falscher Christen seind vnder dem hauffen. Weil aber das Euangelium vnd Sacrament / von Christo befolhen / in ainem Lande bleibt / So sind gewißlich in dem selbigen Land vil Christen / Vñ wie wenig der selbigē ist / so wirt doch dasselbige Land / vñ jres glaubens / predigens vnd Euangeliums willen / ja vmb Christus willē / welchs Name / wort / geist / Sacrament daselbst ist / Christenland vnd rechte Hayligen Gottes genendt. Darumb auch noch in der Türckey vil Christē sind / Vnd villeicht mehr den sonst in ainem Lande / als da die gefangenen sind / vñ dem Türcken dienen müssen / der sie gewonnen hatt / Wie Daniel hie saget / daß er sigē solle wider die Hailigen / vnd vber sie herschen.

Gleich wie zñr zeit Elia des prophetē im volck Israel / gschach / da so vil böser vnd wenig frum̃er leüt waren / das  
Elia

Eliaß selbs mainet / er were allain / vnd wunscht darnumb  
todt zu sein. Aber dennoch wol sibentausent funde wur-  
den / die Got im behalten hatte / from vnd hailig / Vmb  
welcher willen dennoch das Volck Israel / Gottes Volck  
vnd Gottes Hailigen hießen / als bey wölchem sein Nam /  
wort vnd gaist wonee.

Wie jetzt auch vnd bißher vnder dem Papstum gesche-  
he / da es auch alles also gar ist verderbt gewest / mit Men-  
schen lere vnd werck / das man schier keine Christen mer  
gesehen hat / Aber dennoch haben etliche da müssen sein /  
weil Christus Name / Tauffe / Euangelium / Sacra-  
ment zc. bliben ist / vmb wölcher willen auch das ganze  
Land / der Christeland / vnd sie die Christheit / oder Chris-  
tus volck vnd Gottes Hailigen heißen / Denn S. Paulus  
sagt i. Thessa. iij. der Endchrist der Papst / solle im Tem-  
pel Gottes sitzen / nun ist der Tempel Gottes / die Christen-  
heit oder die Hailigen Gottes / wie Daniel redet.

Auch so muß man in diesem spruch Daniels mehr achtē /  
vnd richten nach des Türcken mainung vnd willen / den  
nach der Christen zal / Den der Türck helt hie keine rech-  
nung noch vndercheid / wie vil oder wenig hailiger Chris-  
ten vnder vns seien / Er helt ainē wie den andern / achtet  
vns al für Christen / wie den der Name Christus vns allen  
gemein ist / Den er ist dem Christliche Namen feind / den  
selbigen wolt der Teuffel geren vnderdrucken mit dem  
schwert des Mahomets / wie er denn auch mit falscher lere  
bey vns den selbigen vnderdrucket / vnd wil sich also an  
vnserm herin Christo rechnen.

Also wil Daniel sagē / Das nach des Türcken gewissen  
vnd mainung / alle Christen (das ist Hailigē Gottes) sind /  
die er bekriegt / vnd helt dar für / Das kein erger volck  
auff Erde sey / den die Christē. Darum nennen vns auch  
die

die Türcken nichts anders/denn Paganos/das ist Heyden/Sich selbs aber halten sie für das heyligste Volck auff Erden.

Das fünfft/ Das er (wie gesagt) glückt hat im Kriegen/wider die Christen/vnd gemeinlich oblige/vnd den Syge behelt. Vnd dasselbige stuck macht auch die Türcken so stolz/verstockt vnd sicher inn ihrem glauben/das sie gar nichts zweyffeln/ir glaub sey recht/vn der Christen falsch/als denen Got so vil Syg gibt/vn die Christen also verlaßt.

Wissen aber nit/das hie im Daniel also zuvor verkündigt ist/das die Christen vmb irer sünde willen hie auff erden gestrafft/vn die Vnschuldigen zu Märterer gemacht werden/Dann Christus muß Märterer haben/Darumb hatte er allezeit die seinen lassen leyblich vnderligen vnd schwach sein/Widerumb seine Feinde obligen/vnd mächtig sein/auff das er die seinen setze vnd reynige/Darnach seine Seynde/wenn sie wol angelassen/vnd auffs höchste Kommen seind/heymliche mit der Hellschen feur ewiglich.

Solch vrrail wissen die blinden vnfinnigen Leute nit/Vnd maynen/weyl sich Christus so schwach stellet/Les sey kein volck auff erden angenehmer dann sie/Aber gar waydelich lauffen sie an/vnd wirt sich das Spil plözlich wenden/eb sie maynen/wie hernach volget.

Zum sechsten/Soll flugs auff die Türcken Keych vnd wüthen/der Jüngsttag vnd das Reich der Heyligen Kommen/wie Daniel hie spricht/Das des Horns Kriege vnd syge soll wehren/bis der alte Komme/vnd setze sich zu Gerichte. Solch dräwen vn schrecklich Gericht/glauben die Türcken auch nit/Das Gott damit vns erlösen/vnd sie inn die Helle stoßen wirt.

Wie lang aber das wehren soll/dz er so syghafft sey/Kan nyemand wissen/Dann Christus sagt/das von dem tage  
nyemand



nyemand wissen solle/ In der Vatter alleine/ Wie den hie  
Daniel auch mit dunkeln Worten sagt/ Sie werden in sel-  
ne Hände gegeben werden/ eine zeyt lang/ vnd aber etliche  
zeyt/ vnd noch ein wenig zeyt/ So wirdt denn das Gericht  
gehalten werden.

Auß dem es scheynet/ daß des Türcken Reich vom Hi-  
mel gestürzt werden soll/ Vnd kein König komen werde/  
der in vnderdrucke vnnnd mächtiger werde/ nach ihm/ wie  
auch Danielhie sagt/ daß der leib des vierdtē Thiers/ nach  
dem grossen lestern des kleinen Horns/ ins Feur soll ge-  
worffen werden/ zñ verbrennen.

So stehet ja auch im Apocal. am xv. capit. Daß der  
Gog vnd Magog/ solle durchs Feur vom Hymel verzert  
werden/ Eben dasselbige schreibt auch Ezechiel am xxx.  
Capit. Daß Gott wölle Feur vnd Schwefel vber Gog vñ  
Magog regenen lassen/ vnd vber jr Heer. Nun ist kein  
zweyfel/ Gog/ sey der Türck/ der auß dem Land Gog oder  
8 Tattern komen ist in Asiam/ wie die Historie beweysen.

Weyl aber dennoch Christus hat Zeychen gegeben/ das  
bey man kennen soll/ weñ der Jüngste tag nahe sey/ vnnnd  
demnach/ weñ der Türck ein end haben werde/ So kün-  
den wir sicherlich weyssagē/ daß der Jüngst tag müsse vor  
der thür sein. Den weyl Daniel hiesagt/ Daß im vierdten  
Thier das kleine Horn solle das mächtigste vnd letzte sein/  
Vnnnd wir sehen offentlich/ daß in des Römischen Reichs  
Ländern kein mächtiger ist/ denn der Türcke/ vnd nach  
im keiner mer kommen wirt/ So ist die Schrifft des Tü-  
cken halbē schon erfüllet/ Den er hat die drey Hörner weg  
(wie gesagt) vnd Daniel gibe im kein Horn mehr.

Demnach ist zñ hoffen/ daß der Türck hynfür kein  
Land des Römischen Reichs mehr gewinnen wirt/ Vnd  
was er in Hungern vnnnd Teütschen Landen thut/ das

C wirdt

wirt das letzte getrenge vnd gereiffte sein / das er mit den vn-  
fern / vñ die vnfern mit im haben werde / vñ darmit ein en-  
de / Also / das er Hungern vñnd Teütschland wol zausen  
mag / aber nicht rügelich besitzē / wie er Asiam vñd Egy-  
ptum besitzet. Denn Daniel gibt ihm drey Hörner vñnd  
nicht mer / zwack vnd reisset er etwas den Grenzen vñd  
Nachbarn abe / das sey sein Schlaftrück zū gütter nacht.

Darumb der Krieg vñd Sig des Mahometers / dauonn  
Daniel sagt / ist am meisten geschehen vñd erfüllet / in Asia  
Gretia / Egypto / Vñd wirt also ein Ende nemen / wenn  
er am aller mechtigsten / vñnd auffs aller beste gerüst ist /  
das er gleich sicher daher schwebt vñd feret / als dē nu nyes  
mand weren noch widersteen künne / vñd noch vil Land  
zū gewinnen gedencet / Eben wenn dasselb. stündlin kom-  
men wirt / das er so vil noch thün will / vñd trotzig vñd gi-  
rig sein wirt / Da wirt Christus mit Schwebel vñd fere vñ  
ber in kōmen vñd frage / Warum er seine Heiligen / die in  
kein leid gethan / on alle vrsach so greulich versolgt vñd ges-  
plagt habe. Amen. Denn die Schrift ist alle erfüllet / So  
sind dise zeit her / so vil Zeichen geschehen / Vñd ist so groß  
Licht des Euangelij vorhanden / dazu solch groß lestern /  
müßwillen / freuel / in der Welt / als nie gewest / auch nicht  
erget sein künde / Es müß brechen vñd ein ende haben.

Bissher haben wir nngesehe / wo für der Türck vñd sein  
Mahometisch Reich zū halten sey nach der heiligē Schrift  
nemlich das er sey ein feind Gottes / vñd ein Lestere vñd  
versolger Christi / vñd seiner Heiligen / durch schwert vñd  
streit / Also / das er gleich darauff gericht vñnd gestiffet ist /  
mit schwert vñd kriegen / wider Christum vñd die seine zū  
wüthen / Denn ob wol andere König vorzeiten auch habē  
die Christen versolgt mit dē schwert / So ist doch jr Reich  
vñd Regiment nicht darauff gestiffet vñd gericht gewest /

das

das sy Christum leßtern vnd bekriegen sollen / sonderit geschicht zufals auß ainem mißbrauch / Wats ain König verfolget / so ist ain ander hernach güt gewest / vnd hats lassen gehen / Das also/nicht die Königreyche oder regiment / an jnen selbs wider Christum gestrebt / sondern die Personen/ so das regiment gehabt haben / sind zu weylens böse gewesen.

Aber des Mahomets schwert vnd Keych an jm selber / ist stracks wider Christum gerichtet / als hette es sonst nichts zuthun / vnd könne sein schwert nicht besser brauchen/den das er wider Christū leßtert vnd streytet/wie den auch sein Alkoran vnd die that darzu beweysen.

**A**uß dem kan nur ain jeglicher sein gewissen richten vñ versichern/wo er zum streit wider dē Türckē gefordert wirt wie er gedencke vñ sich halten soll. Nemlich/dz er kein zweysel haben sol / wer wider den Türckē (so er krieg anfahet) streit / das er wider Gottes Feind vnd Christus lösterer / ja wider den Teuffel selbs streyt / Also das er sich nicht besorgen darff/ob er erwan ainen Türckē erwirget/ das er unschuldig blüt vergiesse/oder ain Christen erwirget/ Sonder gewißlich erwirget er / ainē Feind Gottes vñ Lösterer Christi / als den Gott selbs durch die schrift Danielis / für ainen feind Christi vñnd seiner Mayligen zum Höllichen feur verurtaylt hat.

Darumb auch kein Christen noch Gottes freind in des Türckē Hör sein kan/er verlaugne den Christū/vñ werde auch Gottes vnd seiner Mayligen Feind / sonder sind alle des Teuffels eigē/vñ mit dem Teüfel besessen/wie jr Herr Mahomech vñnd der Türckisch Kayser selbs. Denn du müß die wort Danielis wol fassen vnd mercken / da er dē Kleinenn Horn das Lestermanl wider Gott / vñnd den streit wider die Mayligen Gottes zuschreybet/ Welche/

wort nichts gutes/sondern alles vbel vnnnd bößheit / vom  
Türcken oder Mahometh zeügen.

Darumb hab ich im vorigenn Büchlin auch so trewlich  
geraten/ Das man nicht solle wider den Türcken kriegen/  
als vnder der Christen namē/ noch mit streit angreifen/  
als einen feind der Christenn/ Denn hie hörestu / das dem  
Mahometh oder Türcken der Sig wider die Christenn  
vnd Heiligen verkündigt ist/ wie denn bißher gschehen ist  
in den drey Hörnern/ die er abgestossen hat/ dz ist/ in Gre  
cia/ Asia/ Egypten. Christus wil schwach sein/ vnd leiden  
auff Erden mit den seinen/ auff das er die gewaltigen zū  
Narren vnd zū schanden mache/ vnd brauche jres wütēs  
darzū/ das sie im (wiewol vnwissend) dē Himel vol Wer  
terer vnd Heiligen machen/ damit sein Reich desto ee vol  
werde/ vnd zū Gericht kōme/ vnd den Tyrannen ihren  
Lohn gebe/ ehe sie sichs versehen.

Sondern/ so hab ich geraten/ vnnnd rate noch also / das  
wol ein jeglicher sich fleissigen soll/ ein Christen zū sein/ wil  
lig vnd bereit zū leiden/ vō Türcken vnd jederman. Aber  
solle nicht streiten/ als ein Christen/ oder vnder eines Chri  
sten namen/ Sondern/ als deinen weltlichenn Oberherren  
Kriegē/ Vnder desselbigē Panier vñ namē soltu reisen/ als  
ein weltlicher Vnderfaß/ nach dem Leibe / der seinem O  
berherren geschworen ist/ mit leib vñ gūte gehorsam zū sein  
Das will Got von dir habē/ Ro. viij. Titum ij. Vñ sonder  
lich/ wo solcher streit geschicht/ nicht außfürwitz/ Gūt vnd  
Ehre zūerlangē/ sondern zū schütze vñ schirmen Lād/ vñ  
Leut/ weib vñ kind 2c. wie diser Krieg ist wid dē Türckē.

Also lesen wir vom dem lieben Heiligen S. Moritz vnd  
seinen Gesellen/ vnd vil andern Heiligen/ das sie in streyte  
gezogen sind/ nicht als Christen/ auch nicht wider die Chri  
sten/ Sondern als vnderthenige gehorsame burger oder  
Ritter/

Kitter/gefodert vnd berüffen von irem Keyser/ oder an-  
der irer Oberkeyt/denen sie mit leib vnd güt zū dienē schul-  
dig waren/Vnd hieß nicht ein Christen Heer oder Vold/  
noch ein Christen streyt/Sondern des Keyser Vold o-  
der Heer.

Sihe also stehet denn dein Gewissen recht vnd sein/vnd  
kannst ein mütiger freydiger Mann sein/das solch hertz vñ  
müt/on zweyfel deinen Leyb vñnd Rosß/auch desten ster-  
cker machen wirt. Denn du bist gewiß/das du inn deines  
Oberherin gehorsam vnd in Gottes willen vnd befehl zeü-  
hest vnd streitest/der dir solche heersart auffleget vnd von  
dir haben will/So darffstu auch nicht sorgen noch fürch-  
ten/das du inn der Türcken Heer vnschuldig blüt tressdest  
weil du hörest das sie von Gott als seyne Seynde/zum tode  
vnd zur Hellen/verurteilt sind. Vnd gebeüt dir/durch dey-  
nen Oberherin/das du solch vrteyl/an dem Türcken vol-  
bringen solt/vnd setz dein faust vnd spieß/Gottes faust vñ  
spieß ist vnd heysst/vnd bist also Gottes des aller gröstern  
Herrin/Scharffrichter oder Hencker/wider seinen grossen  
verdamtē feind/wie kündstu eerlicher vñ löblicher streiten

Gerets aber/das er dich ersticht oder erschlecht/wie kan-  
stu redlicher tods sterben/so du anders ein Christen bist :  
Dan zum ersten stehet da Daniel/vnd mach dich zum heil-  
igen/da erspricht/Der Türcke streyte wider Gottes Hey-  
ligen. Das auff der Türcken vnd Teuffels seiten die sache  
stehet/das er als ein Mörder/eytel vnschuldig vnd heylig  
Blüt treffe/vñnd so vil heyliger Märterer mache/so vil er  
auff vnser seiten erschlecht. Wie es den gewiß ist/das er eitel  
vnschuldig blüt trifft/weil er die angreift/da er kein recht  
noch vrsach zū hat/vnd on befehl vnd not/solch mörder für-  
nimpt/So ist auch gewiß / das er vil Märterer mache  
Denn es müssen Christen darunder sein/wo der Türcke

wider die Heyligen streyt/als Daniel sagt/ Vnd thut also  
dem der Türcke an dir/ was Daniel von ihm sagt/nem-  
lich/das er ein Heiligenmörder vnd Märterer macher ist.

Zum andern stehet da dein gütlicher Gewissen/ das du  
durch Gottes gebot/in deines Oberherren einseitigē gehor-  
sam erfunden vnd erstochen wirst. Vnd wenns gleich zu  
wechseln sein solte/ soltestu hundert tausent mal lieber eyn  
Christ/gehorsamer Burger oder Ritter/vom Türcken er-  
stochen sein wollen/dann des Türckischen Keyfers selbs  
sig/mit allem seinem güt vnd eer haben/ Denn wie gesagt/ du  
bist gewiß ein Heylig/ wo du so thust/dz du ein Christ bist/  
vñ in gehorsam streytest/der Himmel ist dein/das hat keine  
zweifel. Was ist aber des Türcken sig vñ ere/ja aller welt  
gegen dem Himmel vnd ewigen leben?

Gedencke/wie woltestu thun/wenn du zur zeyt der mär-  
terer gelebt hettest/das dich auch die bösen Keyser vñ Ty-  
rannen erwürgt hettten/vmb Christus willen? Oder wie  
woltestu jetzt thun/wenn dich der Papst/Bischof/vn-  
ser Keyser oder Tyrannen erwürgten/vñ des Euangeli-  
ums willen/wie denn vilen geschicht: du müstest dennoch  
glauben/das sie dich zum Heyligen vnd Märterer mach-  
ten/Vnd gewiß sein/das du in einem rechten Stand vnd  
gehorsam erfunden würdest.

Was ist nu der Türcke anders/mit seinem streiten/denn  
ein solcher böser Tyrann/der Gottes Heyligen tödtet vnd  
zu Märterer macht: On das d Türcke mit grosser gäntzer  
macht/on vnderlaß solches thut/ vnd vor allen andern vil  
mer Heyligen macht/ Wie sichs denn gebürt am ende der  
welt/das der Teuffel vnserm Herrn Christo ein gütliche rey-  
che Lutz gebe. Lieber es ist ein trefflich groß wort/dz Da-  
niel sagt/der Türck solle nit etliche einzelnen heyligen mar-  
tern/wie ander Keyser/sonder mit streite vnd aller macht

angreiffen/vnd sie vberweltigen /im streit aber müssen vil  
mer heyligen vnderligen/ den der einzeln Märtyrer ist/die  
ausser dem streyt/hin vnd wider gemartert werden.

So weystu ja wol/das du dennoch ein mal sterben müß  
vnd keinen tage noch stund des Todes sicher bist. Wie weis  
den solcher streyt wider den Türcken eben dein stündlin  
sein solt/vnd von Got also verordnet were: Soltestu nicht  
lieber/ja darzü mit freunden/dich alda Gott ergeben/in ey  
nem solchen eerlichen heyligen Tod (da du so vil Göttli  
cher vrsachen/gebote vnd befehl hast/vnd sicher bist/dz du  
nicht in deinen sünden/sondern in Gotes gebote vnd gehor  
sam stirbst) Vileicht in einem augenblick auß allem jamer  
kompst/vnd gen Himel zü Christo auff fleügest) denn das  
du auff dem Bette müßtest ligen/vnd dich lang mit deine  
sünden/mit dem Tod vnd Teuffel reissen/beissen/kempffē  
vnd ringen in aller fahr vnd not/vnd dennoch solche Herzo  
liche Gotes befehl vnd gebote nicht haben: Wie stirbstu al  
leine für dich selbst/vnnd frisset dich ein onmächtige druß  
oder Pestilenz dahin. Dort/spricht Daniel/sterben vil heil  
igen mit dir/vnd hast Göttliche/ heylige/ liebliche Gesels  
schafften/die mit dir faren.

Summa/wer kan allerley fahr des Todes erzelen/dar  
innen wir teglich schweben/zü wasser/zü feur/zü feld/zü  
hauß/in dem lufft/auff Erden/ So vil Thier/so vil seüch  
ten seind vmb vns/ Der felle vom dach/der vom Ross/ dem  
felt inn sein messer/etliche hengen/erstechen/erseüffen sich  
selbs/ Der kompt sonst/der so vmb. Der wirt vmb geltens  
willen/der vmb eines Weibs willen/der vmb eines Worts  
willen/ Ja etliche vmb wolthat willen/erschlagen/ So mā  
cherley töde müssen wir teglich warten. Vnnd wagens et  
liche mit freunden/da doch kein redlich vrsach noch Gött  
lich befehl ist/Darzü die hinsart ferlich vnnd mislich ist/  
wie

wie man dort ankomme. Vnd solten vns hie so faul oder verzagt stellen/ da wir gewissen Gottes befelh vnd gefallen haben/ vnser Oberkeyt zů gehorchen mit leib vnd güt. Darzů so wir Christen funden werdenn/ gewiß das ewige leben mit den Heyligen haben. Were doch solcher Tod/ zů suchen an der Welt ende/ wenn das stündlin da ist. Vnd wer sich solchs nicht bewegen leßt/ dem were kein billicher Fluch zůwünschen/ dann das er zům Türcken fiele/ vnd ein Türck wurde/ des Teuffels leibeigen wie sein Herr der Türck ist/ von Gott zum Tode vnd Hellen verdampt.

Solchs alles rede ich für die/ so Christen sind/ oder gern weren/ Das sie wissen/ wie sie sich zů diser zeyt richten vnd trösten sollen/ das sie nicht zů fast erschreckē vor dem Türcken/ noch vor dem Teuffel seinem Gott. Denn wenn der Türck die Christenn (so ehs ihm möglich were) schon all zůmal fresse/ hette er damit nichts getrunnen/ denn das sein verdammnis dester grösser wurde/ vnd dester eylender Keme/ vnd die Christen dester ehe gen Himel füren. Er sey so zornig vnd wützig/ als er im̄er will/ mit allen Teuffeln darzů/ So müß er Knecht vnd Diener sein der Christen/ Vnd eben damit zů irem besten helffenn/ damit er sie meynert zů verderben. Denn da stehet Daniel/ vnd spricht/ Es sein Heyligen/ die er schlecht vnd würgt.

So spricht S. Petrus/ Vnd wer ißs/ der euch schadenn kan/ so ir dem gütē nachstrebet. Dauid auch im cxxvj. psal. O wie kostlich ist vor dem Herren der Tod seyner Heyligen. Vnd im lxxij. Psal. Vnd ir blüt ist teür vor seinē augen. Solche vnd dergleychen tröstliche/ herliche sprüche/ machen ein solch vrtail/ Das der Türck sey ein heyligē mörder/ vnd thū im selbs damit den grösten schaden ewigklich. Widerumb/ das sein zorn vnd morden / müße hie zeytlich dienen vnd helffen/ den Christen zů grosser ewiger herligkeit



10  
Eate / on seinen danck / on allen seinen willen vund wissen.

Wer teuffet vnd mördet nū hie den andern am bestē:  
Der Türck mördet die Christē zeitlich / zum ewigen Lebē /  
Aber eben in dem selbigen mördet er sich selbs / zum ewigen  
hellischen fiewr / mit allen Teufflen. Den die Christē haben  
zu herrliche / mechtige Sprüche / wie gehört. Vnd Daniel  
haisset sy Dayligen / vnd den Türcken einen Dayligen  
mörder / Da wirt er nicht vil an gewinnen / vnd die Christē  
nicht vil verlieren. Aber so sol der Wahomet mit den sei-  
nen bezaleet werden / vnd die Christen an sich selbs rechen /  
vnd seinen lon von sich selber empfangen.

Darumb halt ich das nicht für ain Maysterstück / das  
der Türcke die Christen zu schrecken / ire Kindlin zu haus-  
wet / zur sticht / vnd auff die zaunsteckenn spisset / vnd was  
sonst nicht fort kan / alles erwürget / vnnnd grausam han-  
dlet. Es ist mer ain groß Narrenstück / auch vor der welt /  
Denn darmit wurd kain frum man sich schrecken lassen /  
das er sehe sein kind vnd weib zurhackē vnd zur spissenn /  
sondern vil mer zornig vnd bitter werdenn / vnnnd vollend  
hinan setzen vnnnd wagen stumpff vnd stil / vnnnd was da  
noch vberig wer / Vnd ob er tod wer / wurden oder solten se  
die andern vberigen dester bitterer vnd zorniger werden  
auch alles vollend / an die Teuffels glider zuwagen.

Aber vor den Christē ist solche wieterey vil weniger schre-  
cklich / Den die wissen / das solche gespissete vnd zurhackete  
elende kindlin vnd frome Leut / eittel Daylige sind / Vnnnd  
das inen der Türcke / das Hunderste teil nicht kündre / so  
vil guts thün / wenn er ain seglichs / auch zum Türckischen  
Kaiser selbs machete / als er damit thut / das er sy / auß des  
Teuffels zorn so grausam handelt / den er opffert sy dara-  
mit Got in den Himmel / vnd kündt auch alle Welt sy nicht  
so Reichlich vnnnd Herrlich an im rechen als er an sich selbs  
D solche

solche Leüte rechet/Dann er stößet sich selbs damit in ab-  
grund der hellen.

Ja sprichstu/Deß lachet er vnd fragt nichts darnach/  
mit allen den seinenn: Wolan er sol auch lachen / darzu  
nit werd sein / dz ers glauben oder erkennen solle. Christus  
wirt im das lachen wol vertreiben / vnd das alles wol lerē.  
Denn ich diß (wie gesagt) den Christē schreib zu trost / vñ  
nicht den Türcken oder Türcks genossen zu lachen. Da-  
niel hat im für vns allen gnüg geschriben / da er in einenn  
Feind vnd Lestere Gottes / zum Hellschē Feuer verdäpft  
vnd verkündigt. Wirt Daniels schrifft veracht / so ligt  
nichts dran / ob vnser schrifft auch verlacht werd / Wir ha-  
benden Text / der vns nicht luge noch treugt / dz Gottes  
Heiligen sind / wider welche der Türcke streit. Sinds Hey-  
ligen Gottes / so fragt ein Christ nicht groß darnach / we-  
grawsam der Türcke oder der Teüffel / mit den Kindlin  
vnd Christen / eusserlich am Leibe vmbgehet / Es müssen  
doch Engel da sein / die auff ire Seele warten / vnd sie auff  
den Henden tragen / vnd gen Himm̃el bringen.

Denn es stehet geschriben in dem 101. Psalm / Er hatt  
seinen Engeln befolhen vber dir / dz sy dich auff den Hende-  
n tragen / Auff das du deinen fuß nicht an einenn stein  
stößest. So spricht auch Christus Matt. am 18. Ich sa-  
ge euch warlich / das ire Engel sehen allzeit das Angesicht  
meines Vatters im Himm̃el.

Wir lesen in der König bücher vom Propheten Elisa-  
wie er ganze Berge vol seweriger wagē vnd Reutter vñ  
sich / seinē Diener zeigete wider die Syrer / So dazumal so  
vil Engel vmb die stat waren / zum leiblichen schutz / Wye  
vil mehr / meinstu wol / das hie in solchem streit / die Engel  
da sind / empfahen vnd beschützen geistlich die Seelen der  
Christen / oder wie Daniel sagt / der Hailigen Gottes.

Das

Das aber die Christen nicht allzeit werden beschützt/leiblich von den Engeln/wie im alten Testament/hab ich droben angezeigt/Das Christus will vnd muß hie auff Erden leiden/schwach sein/vnd sich tödten lassen/Auff das sein Reich eilend gemehret vnd vol werde. Denn sein Reich ist nicht leiblich auff Erden/Darumb ist sein streyt am sterckesten/wenn vil leiden da ist/vnd vil Mercker werden/Wie er S. Paulo antwortet/ij. Corinth. xij. Laß dir benügen an meiner gnaden/Denn meine Krafft wirt vollkommen in schwachheit.

Also thün in diesem fall die Christen auch/Lassen sie benügen an der gnad/das sy Christen vnd Gottes Heiligen sind durch vnsern Herrn Christum/wie Daniel sagt/Vnd weiß nicht anders sein will/lassen sie den Türcken immer hin sitzen/räumen vnd boden/bleiben sie schwach vñ lassen sich martern. Denn sie sehen/das gleich wie bey irem sterben eitel Engel sind/die auff ire Seele warten/Also widerumb ins Türcken Heer/eitel Teuffel sinnd/die auff der Türcken Seele wartē/vñ sie in abgründ der Helle stößen.

Nicht das sie waffen vnd wehre von sich werffen/vnd sich also von den Türcken wehrlos ermorden lassen soltē/weye die Mercker außer den Kriegshendenen gethan habenn/vnd noch thün/vnd thün sollen. Sondern weil die Christen mit leib vnd güte/Weltlicher Oberkeit vnderworfen sind vnd sie all/ein jeglicher von seiner Oberkeit zu streit wider den Türcken gefordert/vnd berüffen werden/Sollen sy thun als die trewen gehorsamen Vnderthanen(wie sy den gewislich thün/so sie rechte Christen sind)vnd mit freude die faust regen vnd getrost drein schlagen/morden/rauben vnd schaden thün/so vil sie inmer mügen/weil sie ein ader regen können. Denn solchs gebeut in ihr weltliche Oberkeit/walcher sie gehorsam vnd solchem dyenst schuldig  
D ij dig

big sind / vnd Gott von in will haben / biß in den Tod hinein / Rom. viij. Titum iij.

Gleich wie vorzeiten die heiligen Werterer (wie droben gesagt) gethan haben. Wenn sie vom Keiser etwa wid eine Tyrannen oder ander Feinde gefodert wurden / worffen sie freilich nicht die waffen vñ wehre vō sich / vñ ließen sich ermorden / wie der Tyrān wolt. Denn damit hetten sie jrē Keiser nicht wol gedienet / sa vil schadens gethan. Sondern sie haben trewlich die faust geregt / vnd nach jres Herrn gebot / frölich drein gestochen vnd gehawen / als die freilich wol gewußt vnd gedacht haben / das sie auf das mal / nicht als Christen / sondern als Diener vnd vnderthanen des Keisers / mit Leib vnd Güt / gefodert waren / zū streiten / zū würgen / vnd den Feinden schaden zū thun / Vnd welche darüber sind erschlagen / sind eitel Heiligen worden / Als die nicht allein Christen / sondern auch frome / gehorsame trewe vnderthane / erfunden sind.

Also sollen jetzt die Christen auch thun / denn der Türck ist ein Feind vnd Tyrann / nicht allein wider Christum / sondern auch wider dē Keiser vnd vnser Oberkeit fodert sie nu die Oberkeit / sollen sie ziehen / vnd drein schmeißen / wie gehorsame vnderthanen. Werde sie darüber erschlagen / Wolan / so sind sie nicht allein Christē / sondern auch gehorsame trewe Vnderthanen gewesen / die leib vnd güt / in Gottes gehorsam / bey ir Oberherren zū gesetzt haben / Selig vñ heilig sind sie ewigklich / wie der frome Viras.

Aber weil der Türcke gleich wol Gottes rüt vñ ein plage ist vber die sünde / beide der Christen vnd Vnchristen / oder falschen Christen / So solle sich solchs trostes vñ trostes danon bißher gesagt / nicht ein jeglicher annemen / vnd tollkühne daher faren / vñ sprechē / Ich bin ein Christ / Ich will dran / Sondern zū vor sich bekenen vñ sein Lebē bessern vnd

vñ also mit forcht vñ ernstlichem Gebet / zñ sollichem trost  
vñ trost kómen. Den ich hab droben gsagt / weil Deütsch  
landt so vol bosshēyt vñnd lesterung ist / das zñ hoch vber-  
macht ist / vñnd in Hímel schreyet / Kants nicht anders wer-  
den / wo wir vns nicht bessern / vñnd ablassen von verfol-  
gang vñnd lesterung des Euangelij / wir müssen herhalten  
vñnd ein staupe leyden. Wo es der Türck nicht thüt / so muß  
es doch etwas anders thün.

Es wer denn / das der Jüngst tag selbs keme. Es kome  
aber staupe oder Jüngster tag / Wer Christen ist / vñnd sich  
gebettert hat / der Kants erleiden vñnd wirdt selig / Die an-  
dern müssen gestrafft vñnd verloren werden. Von disem  
stücke / das man sich bessern vñnd beten sol / habe ich gnüg  
sam geschriben in einem büchlin vom Türckenkrieg / das  
nicht not widerumb hie zñerholen.

## Das ander Theyl der Heer predigt.

**A**ls sey genüg vom erstenn Theyl di-  
ser predigt / nemlich die Gewissen zñ vnderrichtē  
vñnd trösten. Nun wollen wir das ander für vñns nemen /  
Auch die Faust zñnermanen / das ist / das man Leib vñnd  
güt daran wagen / vñnd willigklich daran strecken solle.  
Vñnd wo die Oberkeyt zñ disem streyt schatzung foddert /  
das man die selbigen gebe / wie man schuldig ist / Rom. viij.  
Desselbigen gleichen / wo sie die Person oder leyb foddert /  
soll man auch zñlauffen / denn da hatt Gott gehorsam ge-  
botten.

Denn vnser Juncfern vom Adel / haben bißher genüg  
gebrasset / geschlemmet / gerennet / gestolzieret geprangt /  
mit allzñ vberflüssiger Kost vñnd Kleidung / dadurch sy alles

D iij gelt

gelt auß Deütschem Lande geschütt/vnd sich (on was der Sünden wider Got ist) an leyb vnd güt verderbet. Es ist zeyt/das sie auch iren stand vnd ampt beweisen/vnnd eyn mal mit ernst sehen lassen/das sie vom Adel sind.

Desselbigen gleichen auch die Burger vnd Kauffleüte mit vbermessigem schmuck vnd vnzelichem wücher vnnd geys/lang gnüg ire lust gebisset/haben so vil hundert tausent gulden/so lang verkleidet/verthan oder versamlet/sollen sie auch ein mal ein büsse dauon geben/ vmb ir hoffart willen/dazü sy bißher so güten stillen fride gehabt/vnd des mißbraucht.

Also auch der Handwercks vnd Baweraman/haben so lange her mit vbersetzen/schinden/stelen vnd rauben/neben andern grossen müßwillen vnd ungehorsam/ein redliche Büsse wol verdienet/Sonderlich seyt der zeit das Euangelium an tag ist komen/dardurch sie frey vnnd reich geworden/von allen schindern vnd Bettlern erlöset/dz sie meinen/sie dürfften Gott nicht mer geben/nach allen seynen Dienern/sondern allein zü sich scharren vnd reysse/auff dem Warcke durch vbersetzen/gleich als auß dē beützel stelen. Dazü sie bißher grossen frid gehabt/gesoffen/getantz vnd gesungen haben in aller sicherheyt.

Wolan/was sie ersparet/ gestolen vnd gesamlet haben/Was sie iren Predigern vnd Pfarrhern entzogen/Das sollen sie brüder Veyten den landsknechten/züsamē bracht haben/vnd keinen danck dazü haben. Die Fürsten sollē on alle barmhertzigkeit von ihnen nemen/vnd kriegsuolck damit halten. Quod non tollit Christus, tollit fiscus, So soll es gehen/Wastu nicht wölen eynen gulden geben zum friden/Gott zü lieb vnd dienst. So gib nun zehen oder zwentzig/zum streyt/Gott zür straffe vnd büsse. Habē wir güts empfangen von dem HERRN (spricht Hiob) warum wollen

wollen wir das böse auch nicht leyden?

Es hatt ein segtliches thün sein zeyt / spricht Salomon /  
Ecclesiastes i. Bissher ist fridens zeyt gewesen / Tu ist strey-  
rens zeyt. Bissher / brassens vnd brangens zeit / Tu aber sor-  
gens vñ arbeitens zeit. Bissher wüchterns / stelens / scharrens  
zeit / Tu aber außgebens / bezalens / vnd außstrewnens zeit.  
Bissher essens / trinckens / tanzens / freuden / lachens zeyt /  
Tu aber trawrens / schreckens / fürchtens / weynens zeyt.  
Bissher ringens / schlaffens / müßig geens / sicher lebens zeit  
Tu aber wachens / vnruhe / schaffens / werens zeyt. Habē  
wir jene gute zeit kündē gern haben / vñ denoch Got nichts  
dafür zūdanken noch erkennen / So laßt vns nu dise böse  
zeyt auch dulden / vñ daran lernē für jene gute zeit danckē.

Ja wenn Gott immer gute zeit gebe / vnd liesse vns drin-  
nen mit aller bößheit vnd mütwillen die Erde erfüllen biß  
an den Himmel himan / vnd hieß vns darzū liebenn Junck-  
herin / das möchten wir leyden / vnd sind also der guten tag  
vnd fridens / in aller bā berey gewonet. Tu wills vns faul  
thün / das auch böse zeyt vnd vnfride kompt / Vnd wollen  
scheel vnd saur sehen / schatzung zū geben oder selbs zū reys-  
sen / Ja man müßts vns bestellen / Warumb hast du zū vor  
nicht gehorcht / da man dir Gottes wort sagt? So höre nu  
den Teuffel im Türcken / der du Gott nicht hören woltest  
in Christo.

Sperrest du dich aber / vñ wilst nicht geben noch reysen  
Wolan / so wirt dichs der Türck wol leren / wenn er ins land  
kompt / vñ thüt dir wie er jetzt vor Wien gethan hat / Nem-  
lich / das er kein schatzung noch reyse von dir fordert / son-  
dern steckt dir Haus vnd hōf an / nimpt dir vihe vnd fütter-  
gelt vnd güt / sticht dich zū tod (wo dirs noch so güt wirt)  
schendet oder würget dir dein Weyb vñnd Töchtern / vor  
deinen Augen / zerhacket deyne Kynder / vñnd spisset syē  
auff

auff deine zaunsteckē. Vnd müß darzu/ das das ergesse ist  
solchs alles leiden vnd sehen/ mit bösem verzagte gewissen/  
als ain verdampfter vnchrist/ der Gott vnd seiner Ober-  
keit vngheorsam gewesen ist/ oder siceret dich sampt in weg  
in die Türckey/ verkaufft dich daselbst/ wie ain Hund/  
das du dein Lebenlang/ müß vmb ain stuck Brots vnn-  
drunck wassers dienen/ in stetiger arbayt tag vnn-  
nacht mit rüthen vnd knien getribenn/ vnn-  
dennoch keinen  
lohn noch danck verdienē. Vnd wa ain sturm sol geschehen/  
müßtu der verloren Hauff sein/ vnn-  
alle arbeit im Nö-  
thün. Ober das kein Euangelium hören/ Nichts von  
Christo vnd deiner Seelen seligkeit lernen.

Als denn würdestu geren von zwü Kien eine zur scha-  
kung geben/ Gerne würdestu selbst die helfft deiner Güt-  
ter anbietē/ Gern würdestu selbs vnder deinem Fürsten  
raisen/ Gern einen Prediger selbs ernören/ der dir im jar  
viermal predigte/ vnd würdt alles vmb sonst sein. Siehe/  
das wiltu haben/ Darnach ringestu jetzt. Den der Türck  
ist der Man/ der dich leren wirt/ was du jetzt für güte  
zeichast/ vnd wie fernerlich/ vnd danckbarlich/ bößlich/ du  
sie wider Gott/seine Diener/ vnd deine Nächste zübrachte/  
versaumet vnd mißbraucht hast:

Der Türcke waiß den Adel zü mustern vnd demütigē/  
Die Burger zü züchtigen vnn-  
gehorsam zü machen/ Die  
Bauern zü zemen/ vnd den mürtwillen zü büssen. Darum  
denck/ vnd sey from/ vnd bitte Gott/ das der Türck nicht  
dein Schülmayster werde/ das rat ich dir/ Er hats vor  
Wien allzū grewlich beweist/ wie ain wüster vn-  
sauber  
Zuchtmaister er sey.

Ich wolt wünschen (wo vns vnser sünde vor Gott so vil  
winze vnd mürt ließen) das alle Deütschen so gesinnet werē  
das sich kein Flecklin noch Dörfflin plinderenn noch weg-  
fären



füren lieffen vom Türcke/Sondern/weis zu solchē ernst  
vnd not keme/dz sich weret was sich weren künd//ung vñ  
alt/Man vnd Weib/Knecht vnd Magd biß das sie alle  
erwürget wurde/Dazü selbs Haus vnd Hoff abbrennetē  
vnd alles verderbeten/das die Türcken nichts fundē/den  
junge Kindlin/welche sie doch one das/spissen vnd zūha-  
cken/wenn sie vns lebendig weg führen/vnd wir den selbigē  
doch nicht helfen können. Vnd das solchs geschehe mit  
vorgehendem gebet zu Gott/darin sie alles seiner gnaden  
befolgen/vñ als im gehorsam der Oberkeit/wie drobē ge-  
sagt. Es were je besser/dz man dem Türcken ein leer Lād  
liesse/denn ein volles. Vnd wer weiß/was solche turst scha-  
fen/wurde bey den Türcken: Werden wir weg gefürt/so  
habē wirs vil erger denn so wir erwürget werden/wie dro-  
bē gehöret. Vnd ist grosse far/das wir in der Türckey vñ  
Christlichen Glauben/zum Türckischen glauben fallenn  
wurden/zum Teüffel in die Helle hinein.

Schreiben doch die Römer selbs/von der Deütschē wei-  
ber/das sie vorzeiten/eben so wol als die Wenner/zū felde  
gezogen vnd gestritten haben. Vñnd welche Magd oder  
Jungfrau/nicht hat einen Feind erwürget/hat zur straf  
müssen Jungfrau bleiben. So schreiben die newen Histo-  
rien von den Türcken/da sy zu Lemno in Griechenland  
sind eingefallen/vnd den Thorhüter/erstochen/hat die  
Tochter des Thorhüters/da sie den Vater tod gesehen/  
seine wehre angenommen/vnd den Türcken im Thor/so lā-  
ge geweret/biß die Burger darzü kōmen sind/vñ die Tür-  
cken vertriben haben. Thūn doch die Türcken selbs auch  
also/das sie sich ehe vñ lieber erwürgen/denn fangen las-  
sen/Vnd nemen keine gefangene wider ahn/ob sie gleich  
gern wider heim wolten.

Denn ich achte kein Menschlin so geringe/wo man sich  
drauß

drauß wehren wolte/die feinde müssen har drüber lassen.  
Doch solches alles wissen die Kriegsleute besser/denn ich/  
der ich mich auf solche gelegheit vñ leuffe nichts verstehe/  
Sondern dauon rede ich/weil es doch in solchem fall muß  
gewaget sein/Vnd keiner gnade bey dē Türckē zühoffen  
ist/wenn er vns weg fñret /sondern alles vnglück hon vnd  
spot leiden müssen leiblich/darzū in geistlicher serligkeit 8  
Seelen/des worts beraubt sein/vñnd jr ergerlich Maho-  
metisch leben sehen müssen. So decht ich/es were das beste  
Got sich befelhen/Vnd auß gethaner pflicht vñ gehorsam  
der Oberkeit sich weren/so lange vnd mit welcherley weyo  
se man sm̃er kñndte/vñ sich nicht fangen lassenn/sondern  
würgen/schiessen vnd stechen in die Türckenn/bis wir da  
legen. Denn das du vmb der jungen kindlin willē gedechst  
dein Leben zūbehalten ist nichts/Weil du gehört hast dz  
die Türcken/solche Kindlin/vnd was sie nicht mit fñren  
mügen/alles erstechen/zñhacken vnd spissen/das du doch  
inen weder helfen noch raten kanst / sondern allein grōß  
fern jamer vnd elend daran sehen müßt.

Vnd ob sie gleich die Kindlin mit dir weg fñrē/so darfstu  
nicht hoffen/das sie die selbigen lassen bey dir bleibenn/  
da wirt nicht auß/Wan verkauft inn der Türckey dye  
gefangene Christen/wie das Vihe/vnd wie die Sew /achtet  
nicht/wer hie Vater/Mutter/Kind oder Weib sei/Da  
wirt dz weib dorthin/der Wan hieher verkauft. Also ge-  
hets auch mit den Eltern vnd Kindern zū/das keins bey  
dem andern gelassen wirt/wie die kaffer vnd verkaffer  
wollen. Das doch allenthalbē besser wer/dahelme im haw-  
se sich weren vnd erwürgen lassen/in Gottes willen vñnd  
der Oberkeit gehorsam/denn sich in solch sehrlich schädlich  
gefengniß geben.

Das ist mein güter wunsch/Aber ich halt /chs wil wol  
ein

ein wundsch bleiben / Denn ich solchs sage / meinen lieben  
Christlichen Deutschen zu gut / so da gerne wollen vnder-  
richt sein. Die andern bedürffens nichts / haben selbs gute  
dunckel / sack vnd vass vol / Aber wollen wir mit den Tür-  
cken streiten vnd vns weren / so werden wir müssen ande-  
re vnd neue gedanken fassen / vnd was anders schicken  
vnd gewennen / beide mit hertz vnd hand / denn wir bis-  
her gewonet sind.

**N**Je bey muß ich auch ein vermanung thun / vnd eine  
trost geben den Deutschen / so bereit inn der Türckey  
gefangen sind / oder noch gefangen möchten werden /  
Gleich dem Exempel nach des heiligen Propheten Jere-  
mia / welcher auch einen Brieffe schreibe gen Babylonien  
vnd vermanete seine gefangene Juden / das sie solt gedul-  
tig sein im Gefengtnuß / vnd im Glauben feste bleibe / bis  
auff die zeit ihrer erlösung / das sie sich nicht ergern solten  
an der Babylonier Glaubē vñ Gotes dienst / welcher groß  
war / vnd trefflichen schein hatt / Dz gar vil Juden dahin  
fielen / wie ich denn höre vnd lese / das auch die Christē seer  
abfallen / vnd des Türcken oder Mahomets glauben / wil-  
liglich vnd ungezwungen annemenn / vmb des grossen  
scheins willen / den sie habē in irem glaubē. Darin merck  
auff mein lieber brüder / laß dich warnen vnd vermanen /  
das du ja im rechten Christen glauben bleibest / vnd deinen  
lieben Herrn vnd Heiland Jesum Christum / der für deyr  
ne sünde gestorben ist / nicht verleugnest noch vergessest.

So lerne ni / weil du noch raum vnd stat hast / die Zehē  
Gebot / dem VATER UNSER / den Glauben / vnd  
lerne sie wol / Sonderlich disen Artikel / da wir sagē / Vnd  
an Jesum Christ seinen einigen Son / vnsern HERZEN  
Der empfangen ist vom Heiligen Geist / Geborn vom

der Jungfrauen Maria/Gelittē vnder Pontio Pilato/  
Gekreuziget/gestorben vnd begraben/ Vider gefaren  
zur Hellen/ Am dritten tag auferstandē von den Todtē/  
Auffgefahren gen Himmel/sigend zur rechten Gottes des all-  
mächtigen Vatters/Von dānen er kōmen wirt zūrichten  
die lebendigen vnd die todten. Den an disem artickele ligt/  
von disem Artickele haissen wir Christen/vñ sind auch auff  
denselbigen/durchs Euangelium beruffen/gerufft/vnd  
in die Christenheit gezelet vnd angenommen/vnd empfahē  
durch denselbigen den Hailigen Gayst/vñnd vergebung  
der Sünden/Darzu die Auferstehung von den Todten/  
vnd das ewige leben/Denn diser Artickele machet vns zu  
Gottes Kinder/vnd Christus bräder/das wir in ewig-  
lich gleich/vnd Aiterben werden.

Vñnd durch disen Artickele wirt vnser glauben geson-  
dert/von allen andern glauben auff Erden/Den die Ju-  
den haben des nicht. Die Türcken vñnd Saracener auch  
nicht/Darzu kein Papist noch falscher Christ/noch kein  
ander vnglaubiger/sondern allain die rechten Christen.  
Darumb/wa du in die Türckey kōmest/da du kein Pres-  
diger noch Bücher haben kanst/da erzele bey dir selbs/es  
sey im Bötche oder in der arbayt/es sey mit worttē oder ge-  
danckē/dein Vatter vnser/den Glaubē/vñ die zehē gebot.

Vñ wen du auff disen artickele kumpst/so druck mit dem  
daumen auff den finger/oder gib dir sunst etwa ain zeichē  
mit der hand oder fuß/auff das du disen Artickele dir wol  
einbildest vnd mercklich machest/Vñd sonderlich/wa du  
etwa wirst ain Türckisch ergernuß sehen oder anfechtung  
haben/Vñd bitte mit dem Vatter vnser/das dich Got be-  
hüte vor ergernuß/vñd behalt dich rain vñd feste in disem  
Artickele/Den an dem Artickele ligt dein leben vñ seligkeit.

Also vermant S. Jeremias seine Jüdē zu Baby-  
lonien

lonien/wenn sie die gulden vnd silbern Götzen sehen wur-  
den/solten sie an iren Got zu Jerusalem gedencken/vnnd  
bey sich sprechē/ **HERR**/ dich allain soll man anbettē zc.  
Also thū hie auch/wa du bey den Türcken wirst erwa sehē/  
ainē grossen schein der hailigkeit / so laß dich nicht bewegē/  
sonder sprich/ Vnd weñ du ain Engel werest/so bistu den  
nocht nicht Jesus Christus / **HERR** Jesu / an dich glaube  
ich a'lain/hilff mir zc.

Vnder andern ergernussen bey den Türcken/ist das  
wol dz fürnemste/Das ire priester od Gaiſtliche/ ain solch  
ernst/capffer/Strenge leben fürē/ das man sy möcht für  
Engel/vnnd nicht für Menschen ansehen / das mit allen  
vnsern Gaiſtlichen vñ Mönchen im Papstum ain scherz  
ist gegen sie. Offt werden sie auch enguckt vber Tisch bey  
den Leuten/das sie sitzen als weren sie tod. Thūn auch zu  
weilen grosse wunderzaichen darzu. Wen solte nun solchs  
nicht ergern vnd bewegen? Du aber/wen dir solche fürkö-  
men/ So wisse vnd gedencke / das sie dennoch nichts von  
deinem Artickel/oder von deinem **HERRN** Jesu Chris-  
to wissen noch halten/ Darum so muß es falsch sein.

Den der Teuffel kan auch ernst sein/saur sehē/vil fastē/  
falsche wunderzaichen thūn/vnd die seinē entzucken. Aber  
Ihesum Christum mag er nicht leidē/noch hören. Darum  
so wisse/das solche Türkische Hailigē/des Teuffels Haili-  
gen sind/die durch ire eigen grosse werck/wollen frum vñ  
selig werden/vnd andern helfen/on vnnd außser dem ai-  
nigen Hailand Jesu Christo/vnd verfären also beide/sich  
selbs vnd alle andre / die disen Artickel von Ihesu Christo  
nicht wissen/oder nicht achtē/Aller dinge/wie vnser Mön-  
che haben wollen zum Himel helfen/mit irer eignen Haili-  
gkeit.

Zum andern/wirstu auch sündē/das sie in iren Kirchē

**LE** in offe

offt zum gebet zůsamen kommen/vnnd mit solcher zucht/  
stille/vnd schönen eüsserlichen geberden / bettenn/das bey  
vns in vnsern Kirchen / solche zucht vnd stille auch nirgēt  
zůfinden ist. Denn da sind die weiber an einem sonderlichē  
ort/vñ so verhüllet/dz man keine kan ansehen/dz auch vn  
sere gefangnen Brüder in der Türckey/Klagen vber vnser  
Volck/das nit auch in vnser Kirchen/so still/ordenlich vñ  
geystlich sich zieret vnd stellet. Sihe / das möcht abermal  
ein solch gedanken geben in dein hertze/vñ sagen/ Fürwar  
so seyn halten vnd stellen sich die Christenn nicht inn ihren  
Kirchen zc.

Da drucke abermal mit dem daumen auff einen finger  
vnd gedenc̃ an Ihesum Christum/den sie nicht habē noch  
achten. Denn laß sie zieren/stellen/geberdenn wer da will/  
vnd wie er will/Glaube er nicht an Ihesum Christ/so bistu  
gewiß/das Gott lieber hatt/essen vnd trincken im Glaubē  
denn fasten on Glaubenn/Lieber wenig ordenlich geberd  
deim Glauben/denn vil schöner geberd on Glauben/Lies  
ber wenig Gebett im Glauben/denn vil gebet on Glaubē.  
Christus vtreylet doch im Euangelio Luce vii. Das die ar  
me Sündin frömer wer/mit weniger geberd/den Simō  
der aussenige mit allem seinem geprenge. Vnnd der arme  
Sünder der Zölner/müßte besser sein on fasten vnd feyrē/  
denn der hochmätig Phariseer mit seinem fasten vnd al  
ler heyligkeyt. Vnd sprach darzū wider die vngläubigen  
Phariseer alle/die doch heylig anzůsehen waren/Würn vñ  
Zölner werden ehe gen Himm̃el komen denn jr.

Zum dritten/wirstu auch Walsarten zů dē Türckischē  
Heyligen/daselbst finden/die doch nicht im Christenglaub  
ben/sondern im Mahomers Glaubengstorben sind/wye  
sie bekennen vnd rhāmen/Dageloben sich die Türckenn  
hin/lauffen vnd ruffen sie an/Allet massen/wie wir zů vn  
sern

fern Walsarten gelauffen sind/ vnd vnser heilige angerüf-  
fen haben. Es wirt auch vilen geholffen/ vnd geschehen vil  
grosser Zeychen/ gleych wie bey vns auch geschehen ist/ vñ  
solchen falschen Wunderzeychen/ haben wir oft vnd vil ge-  
schriben/ die bey vns von den Heyligen (als wir gemeint)  
vnd bei den Walsarten geschehen/ Das auch etlich todten  
aufferweckt/ Blinden sehend/ Lamenn gehend wordenn  
seynd/ vnd der gleychen/ Wie dann Christus verkündiget  
hat/ Mathei xviii. Das die falschen Christi vñ falsche  
Propheten solche Wunder thün solten/ das auch die Auß-  
erwölten möchten verführet werden/ Desgleichen S. Paul  
ij. Thessa. ij. auch verkündiget.

Denn das ist dem Teuffel ein gerings/ einen Menschen  
zñ plagen/ das er vnd jederman nit anders meiner dann er  
sey blind/ lam/ tod/ Darnach/ wann er damit hat seine Ab-  
götterey angericht/ vnd die Lere von Christo/ etwa zum  
Heyligen (das ist/ sich selbs) anzürüffen getriben/ als dem  
ablasse zñ plagen/ Das der Mensch glaube/ Sein Heylige  
habe im geholffen. Er kan auch wol so vil kunst/ das er zñ  
weylen rechte krankheyt vertreyben/ vnd rechte schäden  
heyle kan. Denn er ist ein Doctor vber alle Doctor in der  
Arzney/ darzñ ein Fürst der Welt. Sihe/ was wider thut  
er bey vnd durch seyne Zäuberer/ wie seltsam er jnen hilfft  
vnbegreyffliche ding zñ thün.

Was thet er dem Heyligen Dauid/ wölche ein wet-  
ter vnd donner macht er inn dem lufft/ vnd verbrennet im  
all sein Gut/ vnd tödtet im seine Kinder. Darzñ schlug er  
im seynen eygenn leib/ mit grewlichen bösen blatern vñ ge-  
schweren. Sihe wie er vnsern Herrn Christum selbs in dem  
lufften fürere/ auff den Tempel/ vnd vom Tempel auff dē  
hohen Berg/ als were er sein Gott/ vnd zayget im alle reich  
auff Erden/ inn einem augenblick. Kan er nu Wetter ma-  
chen/

chen/blattern schaffen/in Lüſten ſären/vnd also mit dem  
Heyligen ſpielen/darzu mit Chriſto ſelbs/Was ſolte er nit  
vermögen mit ſeinen Gottloſen vnd vnchriſten.

Darumb ſey gewarnt/Wenn du in der Türckey zaye  
chen ſehē oder hörn würdeſt/das du gedenckeſt bei dir ſelbs  
vnd ſprecheſt/Vnd wenn du alle Todten aufferweckeſt/  
vnd alle Zeychen thereſt/weyl du darneben Iheſum Chriſt  
ſtum verleügneſt vñ leſteſt/oder nit kennen wilt/So glau  
be dir der Teüffel an meiner ſtat/Ich will vil lieber on zey  
chen vnd wunder/bey meinem ſchwachen Chriſto bleiben  
denn zu dir ſtarcken vnd mechtigen wunderthäter fallen.

Vnd iſt zwar in der Türckey das vortheyl/das man ſol  
che falſche Wunder leychtlich kennen/vnd ſich davor hütē  
kan/weyl die ſelbigen nicht in Chriſtus namen geſchehen/  
ſondern wider Chriſtus namen/in des Mahometers namen  
Denn wie geſagt/Sie halten nichts von Chriſto/spottent  
vnd leſtern vil mer die Chriſten mit dem Namen Chriſti/  
als mit einem vnüchtigen Heyligen Namen/der die ſeine  
verleſt/vnd men nicht hilfft wider den Mahomet.

Aber bey vns vnder dem Papſtum ſind ſolche falſche  
zeychen vil fertlicher vnd ſchwerer zu erkennen/weil ſie bei  
vns/als bey den Chriſten/vnder dē Nammen Chriſti/als  
von ſeinen Chriſtlichen Heiligen/geſchehen/Da hat er ſein  
recht Teüffels ſpil vnder dem nammen Chriſti/die leüt vñ  
Chriſto zuſüren als auffſ aller gſchwindeſt vnd behendeſt  
wie Chriſtus ſpricht/das ſolche falſche Chriſti/möchtē auch  
die außewölten verſüren.

Zum vierdten wiſtu ſehen/Bei den Türcken/nach dem  
äußerlichen wandel/ein dapffer/ſtreng vnd erbarlich we  
ſen/Sie trincken nicht Weyn/ſauſſen vnd freſſen nicht ſo  
wie wir thün/Eleiden ſich nicht ſo leychtfertiglich vñ koſt  
lich/bawenn nicht ſo brechtig/brangen auch nicht ſo/  
ſchwerer



schweren vnd fluchen nicht so/haben grosse trefflichen gehorsam / zucht vñ ehre gegē iren Kaiser vnd Herrn/ Vnd habē ir Regiment eusserlich gefasset vnd im schwanck/wie wir gerne haben wolten in Deutschen Landen.

Vnd wiewol ir gesetz zülafft / dz ainer mag zwelff Ehe-  
weiber haben / vnd darzū Wede oder Beischlefferin/wie  
vil er wil / vnd dennoch alle Kinder gleich erben sind / So  
haltē sie doch solch Weyber alle in grossen zwang vñ gehor-  
sam/das auch der Man vor den Leuten / selten mit seiner  
Weib ainem redt / oder leichtfertig bey ir sitzt oder scherzt/  
Denn ob wol der Man im solche Weiber laßt vertrauen  
durch die Priester / So behelt er doch das recht vñ die  
macht / von sich zulassen welche er wil / nach dem sie verdie-  
net / oder er sy lieb hat oder gram wirt / Womit zwingen sie  
ire weiber gewaltiglich. Vnd wiewol solch Ehe nicht ain  
Ehe vor Gott / sonder mehr ain schein ist / denn ain Ehe /  
Noch haltē sie ire weiber in solchem zwang / vnd schönē ge-  
berden / das bey inē nicht solch fürwitz / vppigkeit / leichtfer-  
tigkeit / vñ ander vberflüssiger schmuck / kost vnd pracht  
vnder den Weibern ist / als bey vns.

Man ist solcher schein auch wol so ain groß ergernuß ai-  
nem vnberichten vnd schwachen Christen als Eain gulde  
Bilde zū Babylō den Juden gewesen ist / vñ Eain Carthen-  
ser Kloster bei vns ist / weil bey vns Eain Orden so heilig  
ist / der nicht weintrincke / Vñ Eain Weib noch Junck-  
fraw / dermassen im zaum leben muß. Darumb lide dich  
für / vñ druck abermal den finger mit dem daumen / Den  
du findest auch in diesem stucke deinē Christum nicht. Was  
hilft den sollich schēding / so es außser vñ wider Christū ist?

Da magstu wol sagen das Sprüchwort / Es ist schon bö-  
se. Aber bey vns ist / Aber feste / Den es ist ja bösser in Chri-  
sto messig Weintrincken / vñ frölich sein / Denn außser  
S Christo

Christo solch treffenlich saur ding fürgebenn / das weder Propheten noch Apostel / noch Christus selbs hat fürgebē. Denn Christus aß vnd dranc / beide mit Mannen vnd Weibern / beid mit Phariseern vñ Zöllnern. Aber die Türcken müßens höher vnd besser machen / denn Gott vñ sein eigen Son selbs machē / welche sie doch dieweil leßtern vnd verfolgen / wie vnser Geistliche vñ Gleisner bey vns auch thün. So wisse nu / das Christus Reich / steht nicht in essen oder trincken / auch nicht in eusserlichen geberden / sondern im Glauben des hertzen / Luce xvij. vnd laß dich solch gleissen nichts anfechten.

Über dise ergerniß / schreie nu das groesse glück zū / das die Türcken so mechtig worden sind / so vil Sig haben / die Christen / (wie sie meinen) so oft darnider gelegt habenn / vnd bißher so treffenlich zū genomen / Dz es kein vernuffte anders deüten mag / denn das ir heiligkeit solchs verdiene / vnd ir glauben vnd wesen Gott so wol gefalle. Darüber sy so starrig / hart vnd verstockt werden / Das man meinet / es sey vnmüglich / einen Türcken zū bekeren.

Widerumb haltenn sie / das kein erger Volck sey / denn die Christen / vnd kein schendlicher glaube / denn der Christliche glaube. Vnd fallen daher in solchen vberschwencklichen hochmüt / zū leßtern vnd zū schenden / Christum vñ seine Christen / das sie vnder ein ander rhämen / spöttē vñ sagen / Die Christen sind Weiber / aber die Türckē sind ire Wenner / als weren sie alleine eitel Helden vnd Kisen / Vñ wir Christen eitel Weiber vnd Wemmen. Wissen aber nicht / wie saur es wirt mit inen außgehen.

Die stolzen Babylonier waren auch Wenner / vnd die Juden müßten Weiber sein / Aber die selbigen Weiber / blißen zū letzt beyde Man vnd Herr / do die Babylonier weder haut noch har behielten.

Siehe /

Sihe/vnder diesem heiligen schein der Türcken/ligen  
verborgen/ja vnuerborgen/so vil vngehewer / schreckli-  
cher grewel/Nemlich/das sie Christum nicht allein leug-  
nen/sondern auch lestern vnd schenden/mit seinem blüt/  
sterben/aufferstehen/vnd mit allem Güt/dz er der Welt  
gethan hat/vnd setzen iren Mahometh vber in/Damit sy  
auch Gott den Vatter lestern/vnd den Teüffel an Gotes  
stat eeren.Darnach auch solche Blüthunde sind/so grew-  
lich vil blüt vergiessen vñ mord begeben/in so vil lenden  
als nie auff Erden gehört ist.Darzü solch Welsch vñ So-  
domisch vntüschheit treiben/das nit zusagen ist/vor züch-  
tigen Leuten/Dn was das ist/das sie die Le so gar nichts  
achten.Sind darzü die aller grösten rauber vnd verder-  
ber aller Land vnd Leute.

Vnd wer will alle solche grewel erzelen/der sie doch keins  
für sündehalten/sondern alles für eitel tugent / Das heisse  
für blindheit vber alle blindheit/Vnnd wirt solches alles  
mit dem eüsserlichen schein(wie gesagt) also geschmucke/  
das vil Christen abfallen/vnd zü irem glauben/vñ zü sol-  
chem grewlichen/heßlichen schönē Teüffel/willigklich sich  
geben.Vñ zwar/wo solche falsche heiligkeit ist/da müssen  
alle laster auff ein hauffen sein/Wie wir wol sehen an vn-  
sern Geistlichen/das ir lestern/hochmüt/mord/geitz/vn-  
zucht/vnd aller laster kein maß ist.

Sie tröste sich aber mit diesem Spruch/Ley meinstu/dz  
Gott so vil Leute/so läg solt irē vnd verdamnen lassen wie  
sich vnser Endchrist auch tröset.Welcher spruch od gedä-  
cken/auch wol kan einen bawfelligen Christē stossen/vnd  
einen halstarigen büben stercken.Gleich wie sie die Iu-  
dē vorzeiten/auch da mit setze wiß die Heilige Prophetē/  
vnd sprachen/Ley Gott ist nicht so zornig/Er wirt nicht  
so vbel thün/wie Micheas schreibet vnd die andern.

S 4 Aber

Aber man muß diesen Spruch vnd gedanken/auff den  
augen thun/vnnd von Gottes wercke/oder vrtheil/ nicht  
richten/nach Menschen werck/oder vrtheil/ Dennes ligt  
nicht daran/ob vil oder wenig Menschenn /glauben oder  
nicht glauben/verdampft oder selig werden/ Sondern da  
ligts an/ Was Gott geboten oder verbotten hat / Wz seyn  
wort oder nicht sein wort sey/da soll man auff sehen/vnnd  
nach dencken/vnd die ganze welt nicht achtē /ob sy gleich  
all zūmal zum Teuffel fūre/ Den Got vñ sein wort bleibē  
ob gleich Himel vñ Erdē vergehē. Darum halt fest / halt  
fest/sage ich/an deinem Christo/dz du vor solchen pfeilen  
vñ Stürmen des Teuffels/sicher sein/vñ ein Christ bleibē  
mügest/so wirstu selig/Laß Türcken vnd alle Gottlosen  
wennsie nicht anders wollen/zum Teuffel faren.

Das sey von der Vermanunge an die Gefangene/auff  
das sie im Glauben feste bleiben/wider alle ergerniß vñ an  
sechtungen. Tu wollen wir sie auch trösten/das sie gedul  
tig sein sollen in irem Gefengtniß/vnd alle ir elende/ymb  
Gottes willen williglich leiden vnd tragenn. So mercke  
nu/wo es Got verhengt/dz du vom Türcken gefangen/  
weg gefūret/vnnd verkaufft wirst/das du müßt irs wil  
lens leben/vnd ein knecht sein/ So gedenc/dz du solch elē  
de vnd dienst/von Gott zūgeschickt/gedultig vnnd willig  
annemest/vnd ymb Gottes willen leidest/vnd auff aller  
erwlichst vnd fleissigst deinem Herrn (dem du verkaufft  
wirst) diene/vnangesehenn/das du ein Christ/vnnd  
dein Herz ein Heide oder Türck ist/darum er nicht werd  
solte sein/das du sein Knecht sein soltest.

Vnd bey leibelauffe nicht weg (wie etliche thun) vnnd  
meinē/sie thun recht vnd wol dran. Etliche auch sich selbs  
ersenffen oder sonst erwürgen. Nicht/nicht so/lieber Brü  
der/Du müßt dencken/dz du dein freihait verlorenn hast/  
vnd

vnd eygen worden bist/ darauf du dich selbs/ on willen vñ wissen deines Herren/ nicht on sünd vnd ungehorsam/wirken kanst. Deñ du raubest vnd stiebst damit deinem Herren/deinen Leyb/wölchen er gekaufft hatt/ oder sunst zñ sich bracht/das er forthin /nicht dein/sondern sein gütt ist/wie ein Vihe/ oder ander seiner habe.

Deñ hie ist's zeyt/zugehorchen vnd zñhalten/die Sprüche S. Petri vnd Pauli/da sie leeren/ Das die Knechte oder leibeygen sollen iren leiblichen Herren gehorsam/trew/demüthig/ersam vnd fleyssig sein/Nit anders/denn als die netē sie Christo dem Herren selbs/ob gleich die Herren vnchristen oder böse sind/Wie du lesen magst 1. Cor. vii. Ephes. vi. Vnd Colos. iii. Ir Knechte seyt gehorsam in allen dingen ewren leiblichen Herren/Nicht mit dienst vor augen/als den menschen zñ gefallen/ Sondern mit einfaltigkeit des hertzen/vnd mit Gottes forcht 1c. Auch 1. Petri ii. Deñ wo du sonst ein rechter Christ bist/schade dir solch dienst vñ erlend nicht/ Ja wo du sein kanst Christlich vñ gedultig brauchen/ist dir's gütt vnd nutz zñr seligkeit als dein Creutz/darinn dein glaube geübet vnd beweret wirdt.

Gedenck an die Exempel aller Heyligen/Sihe/wie der Erzuatter Jacob/dem schalckhafftigen argen Laban seinem schwacher dient vmb Rahel/vnd hielt im seinen dienst trewlich auß/ Gene. xxx. Vnd darnach sein Son Joseph/wie der selbige seinem Vatter gestolen vnd verkaufft von seinen eygen Brüdern/in Egypten seinem Heydnischen Herren/so trewlich dienet/vnd darüber inn Kercker kam. Aber zñ letzt herlich herauß kam/vñ ein Herr des Land ward/ Gen. xxxviii. Itē wie einen schweren dienst dz gāß Volck Israel müste lange zeit dem König Pharao in Egypten/ Exod. i. Vnd lieff doch keiner auß seinē dienst/wie vnslachtig oder Heydnisch vnd böse ire Herren waren.

Itē hernach / War das nicht ain schwerer dienst / da das  
Künigreich Israel / gen Assirien / Vnd hernach / das Kün-  
igreich Juda / gen Babylonien geführt ward / Da müßte  
Künig / Künigin / Fürstē / Priester / Propheten / vnnnd vil  
hailiger Leutte / denn du bist / dienen vnd Knecht sein / wie  
Daniel vnd seinen gesellen (Daniel i.) vnder dem gransas-  
men Künige / da sie vil serligkait Leibs vñ Seelen / teglich  
warten vnd auch dulden müßten / mit aller schmach vnnnd  
spot (wie der cxxxviij Psalm wol anzaiget . Super flumi-  
na Babylonis etc. Da sind freilich auch vngeduldig Juden  
gewest / die geheulet / geklagt / geflücht vñ gemurret habē /  
Etliche darzü vom Judenthumb gefallen / vnnnd Maidens  
worden sind. Aber es müßte gleich wol sein / Die frumē he-  
ten gedult / lieffen nit weg / sonder dienetten mit aller treuē  
vnd fleiß / wie Daniel vnd seine gesellen / vñ bleibē im rech-  
ten glauben / Darumb wurden sie auch erhört / vnnnd von  
Gott gnedigklich vnd wunderbarlich erlöset.

Vnd das wir zum neuen Testament kommen . Müß  
nicht Christus / die Juden / vnd den Maiden Pilatum vnd  
Herodem mit sich machē lassen / was sie wolte: müßte nicht  
S. Paulus gefangen sein / vnd fast alle Apostel / etlich in  
das elend verstoßen vñ verbannet / als S. Johānes in Pa-  
chmos. Vnd hernach vil hailiger Werterer / auß Rom vñ  
andern Stetten / von Hauß vnd Hoff / von Weib vnnnd  
Kynd / in ferne wüste Insulen vertriben / vnd daselbst in  
Steinbrüchen vnd ander schwere arbeit / wie die Esel / ar-  
baitten. Warum woltestu es besser haben / den dein H. Er-  
Christus selbs / mit allen seinen Hailigen / im alten vnnnd  
Neuen Testament: Der Junger solt nicht besser haben  
denn sein Maister (spricht Christus) Denn ist er recht ge-  
schaffen / wen es im gehet / wie seinem Maister / Luce vi.

Nit vnwillen vnnnd vngedult chistu nicht mehr / denn  
das

das du deinen Herrn / des Knecht du worden bist / ergerst  
vnd dester böser machest. Schendest dazu die leere vnd den  
Namen Christi / als seyen die Christen solche böse vntreue  
we / falsche Leüte / die nicht dienen / sondern entlauffen vñ  
sich selbs entwenden wollen / als die Schelcke vñ Diebe /  
vnd werden dadurch in irem glauben herter vnd verstock  
ter. Widerumb wo du trewlich vnd fleissig dienerest / rure  
destu das Euangelium vñ den Namen Christi / schmucke  
vnd preysen / Das dein Herr / vñ villeycht vil ander / wie bö  
se sie weren / sagen müsten / Wolan / nu seynd doch die Chris  
ten / ein trew / gehorsam / from / demüthig / fleissig Volck / vñ  
wurdest dazu der Türcken glauben darmit zūschanden  
machen / vnd villeycht vil bekeren / wenn sie sehen wurden /  
das die Christen mit demüt / gedult / fleiß / trew / vnd dera  
gleichen Tugenden / die Türcken so weit vbertreffen. Das  
meinet S. Paulus / da er Titum 11. spricht / Die Knechte  
sollen die Lere vnser Herrn schmucke od̄ ziere in allē dinge

Denn wie böse kans dan̄ sein / einem Türcken oder Hey  
den zū dienen: so fern du Gleubig vñ ein Christ bist vñ bleib  
best / Müß doch hie bey vns mancher dienen / einem Bübe  
Tyrannen / oder bösen Herrn. Ja wie müssen wir thū vn  
der dem Papstum / da vnser Tyrannen / vns fangen / zwin  
gen / versagen / treyben / brennen / köpfen / ersüffen / vñ  
erger mit vns handeln / denn die Türcken mit dir thūn /  
Noch müssen wir / weichen / dulden / leiden / dienen helfen /  
raten / betten / heben / vnd tragen / Welchs du alles mit vns  
wagen vnd warten müßtest / wo du mit vns woltest ein  
Christ sein / vnd Christum bekennen / Denn der Papst inn  
dem stucke vil erger ist / denn der Türke. Der Türke  
zwinget doch niemand Christum zū verleugnen / vnd seine  
glauben anhangen / vnd wenn er gleich aufs höchst wüter  
mit leiblich morden an den Christen / so thut er darmit  
nichts

nichts (so vil an im ist) denn das er den Himmel vol Heylige  
machtet. Denn seine lesterung wider Christum/vñ sein eüs-  
serlicher heyliger scheyn zwingen nicht/ sondern versuchen  
vnd locken.

Aber der Bapst/eben damit/das er will nit Seynd noch  
Türcke/sondern der liebe Vatter/ Ja der aller heiligst Va-  
ter vñnd aller trewest Hirte sein/füllet er (so vil an im ist)  
die Helle mit eitel Christen/Denn er reyset die edlen See-  
len von Christo/durch seine lesterliche Menschen lere/vnd  
füret sie auff eygen Gerechtigkeyt/wölchs ist dz recht geist-  
lich morden/vñ schier so güt/als des Mahomers oder Tür-  
cken lere vnd lesterung. Wo man aber im solcher Hellsche  
Teüfflischen versführungen nit will gestatten/nimpt er sich  
des Türcken weise auch an/vñ mordet auch Leiblich/ver-  
möcht ers/on zweyfel/er solt wol grösser Wurd vnd Bluts-  
vergiesen anrichten den der Türcke/wie sie bissher wol be-  
weist haben/mit so vil Kriegen/hegen vnd reizen/vnder  
Keyser vnd Königen zc.

Summa/ Wo wir hin Kommen/da ist der rechte Wirt &  
Teüffel/dabeim. Kommen wir zum Türcken/so faren wir  
zu Teüffel/bleiben wir vnder dē Bapst/so fallen wir in die  
Helle/Eytel Teüffel auff beiden seiten vnd allenthalben/  
So stehet es layder jetzt in der welt/vnd gehn die Spruch  
Christi vñ S. Pauli im vollem schwang/Dz in dē letzte ta-  
gen so sehzliche vnd grausame zeyt sein/da der Teüffel los  
worden/alle welt versüret/vnd solch jamer vñ not anricht  
dz kein mensch künd selig werdē/wo Got die selbigē tag nit  
würde verkürzen/vmb seiner Außerwölten willenn/ Ehs  
müß also gehen zur letzte/das der Teüffel die Christenheyt  
mit aller macht/auff allen seyten angreyffe/ beide Leiblich  
vnd Geysstlich/ vnd sein bestes vñ böhestes an jr versücht/  
damit ein Ende.

Darumb



Darumb laß vns wachen vnnnd wacker sein in' festem  
Glauben an Christum/ Vnnnd ein jeglicher halt sich vnder  
seiner Oberkeit/ gehorsam/ vñ warte w3 Got machen wirt  
Vnd laß gehen/ was da gehet/ farē wie es feret/ Es ist doch  
hinfürt nichts gūts mer zū hoffen/ D3 Töpffen ist zūbro-  
chen/ vnd die Suppen verschütt/ wir mügen die Scherbē  
vollend hinach wagen/ vñ so viles möglich ist/ gūts müts  
dazū sein/ wie vns Christus leret vnd spricht von diser bö-  
sen zeit/ Luce xvi. Wenn jr solches sehet/ das angehet/ So  
sehet auff/ vnnnd richtet ewer Haupt auff/ denn ewer erlö-  
sung/ kompt vnd ist nahe.

Doch das ich das nicht vergesse/ wenn du vnnnder dem  
Türcken bist/ vnd dienen müß/ wie gesagt ist/ So solt du  
solchen dienst nicht weiter verstehen noch deuten/ denn so  
fern es deinem Haußherren nützet zū seinen gūtern. Wenn  
er dich aber zwingen wolt/ wider die Christen zū streiten/  
Da soltu nit gehorsam sein/ sondern lieber alles leiden/ w3  
er dir thün kan/ ja vil lieber sterben. Denn du hörest hye/  
das Daniel vom Türcken schreibet/ Sein streit sey wider  
die Heyligen Gottes/ die jm nichts gethan habenn/ vnnnd  
vergeüß eitel vnschuldig blūt. Da müßtu dich vor hāten/  
das du dich des nicht teilhafftig machest/ Gleich wie du sei-  
nem lesterlichen Abgot vnd Mahometh nicht müß zūfal-  
len/ ob du gleich vnder jm dienen müß.

Blib doch der from̃ Naamā/ iij. Reg. v. in seines herrn  
Künigs dienst/ vnd bettet auch mit jm in seinem Tempel  
Aber dennoch bettet er seinen Abgot nicht an. Vñ die liebē  
heiligen Wenterer/ S. Moriz vñ seine Gesellen/ da sy der  
Keiser hieß wider die Christē streitē/ wolte sy es nit thün/  
warffen die Wassen weg/ vñ sprachē/ Wenn er wolt wiß  
die Christē streitē/ dürfft er keine and' sūchē/ sie weren selbs  
da/ als Christen Leüte/ bereit zū leiden was er wolte.

Leben also solten deinen dienst den Türcken auch lassen/  
das du damit nicht wider die Christen / noch wider Gott  
strebest / sonder allain seinem Haus vñ Gütern zum bes-  
sten helffest. Solchs wil ich auch gesagt vnd geraten habē  
allen dē jenigē / so vnder vnserem Kaiser / Papst / Fürsten  
lebē dz sie sich nit gebranchē lassen / wider dz Euangelii /  
oder wider die Christzū streitenn / oder sie zū verfolgenn /  
Denn damit werden sie vnschuldig Blüt auff sich laden /  
vnd nichts besser sein / denn die Türcken / man muß Gott  
mer gehorsam sein / denn den Menschen. So hat Got Kay-  
nem Herrn die Oberkeit dermassenn gegeben / oder die  
Leute vnderworffen / das er damit solle wider Got vnnd  
sein Wort streben oder sechten. Vnd ist auch inn solchem  
fall / kein Vnderthan seiner Oberkeit / ein har breit / schul-  
dig oder verwandt / Ja es ist als denn schon kein Oberkeit  
mer / wo solchs geschicht / Sondern die Vnderthanen sind  
schuldig / der Oberkeit Leiblich zum besten zū dienen / dz  
Fride auff Erden erhalten werde / vnd diß leiblich Leben  
müge deßter sicher vnd wol stehen.

Aber Gott der Vatter aller gnaden vnd Weißheit / wöl-  
le vns dise zeit gnediglich verkürzen / vnd vns mit Weyß-  
heit vnd Stercke begaben vnd bereickenn / das wir di eweyl  
weißlich vnd manhafftig wandeln / vnd der Zükunfft vn-  
sern lieben **HERRN** Ihesu Christi frölich warten  
vnnd vom disem Jamerthal seliglich schets  
den mügen / Dem sey lob vnd danck  
eher vnd preiß in ewigkeit /  
**AN 27.**

Gedruckt zu Augspurg durch  
Hainrich Stainer.

